



Aningaasaqarnermut Naalakkersuisoq

Ulloq: 16. september 2020

J.nr.: 01.31.06/20-00888

Aningaasaqarnermut Akileraartarnermullu Ataatsimiititaliap pingasunngornermi ulloq 9. september 2020-mi aalajangiineranik Naalakkersuisunut ilisimatitsineq.

Konto pingaarnermut 50.06.25 Aalisarneq pillugu ataatsimiititaliarsuarmut ilassutitut aningaasaliissuteqarnissamik qinnuteqaat. – Suliaq nr. 01.31.06/20 – 00888.

”Naalakkersuisut **inassutigaa**,

- Konto pingaarnermut 50.06.25 - Aalisarneq pillugu ataatsimiititaliarsuarmut aningaasaliissutit 2020-mi 1 mio. kr.-nik ilaneqassasut, aamma
- Konto pingaarnermut 20.11.50 Ingerlatsineranut sillimmatinut aningaasaliissutit 2020-mi 1 mio. kr.-nik ilanngarneqassasut”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Ataatsimiititaliap ulloq 12. august apeqqutaanut Naalakkersuisut ulloq 18. august akissutaat ataatsimiititaliamit qujassutigineqarput. Aningaasaliissuteqaqqinnissamik pisariaqartitsineq assut nalorninartoqartoq ataatsimiititaliap maluginiarpaa. Tamanna pillugu Naalakkersuisut ilaatigut ima paasissutissiipput:

”Pisariaqartitamik immikkut aningaasaliissutigineqartut pillugit oqaatigineqassaaq, pisariaqartinneqartut amerlassusaat 1 million koruunit qularnartorujussuummata, ataatsimiititaliarsuarmut attuumassuteqartut tutsinneqarsinnaanatik. Corona pissutigalugu killilersuinerit ingerlaannassappata aningaasanik ikinnerusunik atuisoqarsinnaanissaa pisinnaannguatsiarmat tapiliussatut 2021-mut aningaasaliinissamut qinnuteqarneq akuersarneqarneqartussatut periarfissaqarpoq. Takuuk oqaasertaliussaq pingaarnertullu konto 50.06.15. Aalisarneq pillugu Ataatsimiititaliarsuaq.”

Taamaattumillu tamanna tigussaasumik pisariaqartinneqalerpat ilassutitut aningaasaliissuteqarnissamik qinnuteqaammik nutaamik nassiussisoqaqqissinnaasoq ataatsimiititaliap isumaqarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqangillat.**

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua